

Намоз ўта аҳамиятли ибодатдир | Фикҳ дарслари (243-дарс)



19:00 / 18.08.2023 1676

نِإِو. دُجَسَيَّوْ عَكْرِيْ اِدْعَاقِ يَلِّصْ، اِهْيَافْ وَاَلْصَلَّالْبَقَّ تَدَحِّضَ رَمَلُمَّ اِيْقَلَّ رَدَّعَتْ نِإِو
نِ مَضَفْحَأْ هَدُوْجَسْ لَعَجَّوْ، بَحَأْ وُهَفْ هَمَّ اَلْوِ، رَدَّقْ نِ اِدْعَاقِ هَسْ اَرْبْ اَمَّوْ اِيْقَلَّ اَمَّ اَرَدَّعَتْ
هَوَّوْ كُرَّ

اَدَّو، اَدَّكَ هَرَّهَطَّ يَلَّعْ وَاْ، اَوَّجَّوْ تَمَّ هَبَّنَجَّ يَلَّعْ اَلْاِوْ، هَيْلَعْ دُجَسَيَّوْ اَيَّيْ شَعْ فَرِّيْ اَلْوِ
عَكْرِيْ دِعَاقِوْ، فَنَّاْتَسْ اَلْصَلَّالْبَقَّ اِيْفْ حَصْرَمُّوْ. رَحَّ اَرَدَّعَتْ نِ اِيْفْ، سْ اَرْلَبْ اَمَّ اِيْلَّوْ. يَلَّوْ
يِفَّوْ. حَصْرَمُّوْ اَلْبِرَّاجْ كَلُّفْ يِفْ اِدْعَاقِ يَلِّصْ. اَمَّ اِيْقَ يَنْبْ، اِهْيَافْ حَصْرَمُّوْ دُجَسَيَّوْ
رُدَّعْبْ اَلْاِ، اَلْطُوْبُرْمَلَّ

اَلْهَاسْ دَارْ نِ اِوَاتْ اَمَّ يَضَقْ، هَلَّيْلَوَّ اَمَّوَيَّ هَيْلَعْ يَمَّغْ وَاْ نِجْ

Намозда ундан аввал ёки унинг асносида пайдо бўлган беморлик сабабли тик туриш узрли бўлиб қолса, ўтирган ҳолда рукуъ ва сажда қилиб ўқийди.

Агар рукуъ ва сажда ҳамда қиём узрли бўлиб қолса, ўтиришга қодир бўлса, ўтириб, боши билан имо қилади. Тик туришга қодир бўлиб, рукуъ ва сажда қилиш узрли бўлиб қолса, ўтириб имо қилиш маҳбубдир. Саждасини рукуъсидан пастроқ қилади. Сажда қилиш учун бирор нарсани кўтармайди.

Агар ўтиришга ҳам қодир бўлмаса, қиблага юзланган ҳолда, ёнбошлаб ёки чалқанча тушиб ўқийди. Чалқанча ҳол яхшироқдир. Имо бош билан бўлади. Агар бош билан имо қилиш ҳам узрли бўлса, кечга суради.

Имо қилаётган одам намоз ичида тузалиб қолса, намозни янгитдан ўқийди.

Ўтирган ҳолда рукуъ ва сажда ила намоз ўқиётган одам намоз ичида тузалиб қолса, тик турган ҳолда давом эттиради.

Юриб бораётган кемада узрсиз ўтириб намоз ўқиса, тўғри бўлади. Боғланган кемада тўғри бўлмайди. Илло, узр бўлса, тўғри бўлади.

Бир кечаю бир кундуз жинни бўлган ёки ҳушидан кетган одам ўтган намозларни қазо қилади. Агар бир соат зиёда бўлса ҳам, қазо қилмайди.

Аллоҳ таоло бандаларни тоқатларидан ташқари амалларга буюрмайди. Уларнинг ҳолатларини эътиборга олади. Бемор бўлиб қолган кишининг беморлиги ҳисобга олинади. Намоз ўта аҳамиятли ибодатдир, уни вақтинчалик бўлса ҳам тарк қилиб бўлмайди. Агар шундай қилинса, банда намоздан узоқлашиб қолади. Намоздан узоқлашиш эса Аллоҳ таолонинг раҳматидан узоқлашишдир. Айниқса бемор банда Аллоҳ таолога ёлвориши, Унинг раҳматидан умидвор бўлиши матлубдир.

Шунинг учун бемор киши ҳам имкони борича намозини ўқийверади. Бу ҳам Исломнинг енгиллик дини эканининг ёрқин далилидир. Келаси сатрларда ушбу масалани батафсил ўрганишга ҳаракат қиламиз.

Намозда ундан аввал ёки унинг асносида пайдо бўлган беморлик сабабли тик туриш узрли бўлиб қолса, ўтирган ҳолда рукуъ ва сажда қилиб ўқийди.

«Кифоя» китобининг биринчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.